

## Juli

En jeder mag en, 's ischt en Helle,  
en liebe Tapp-is-Glick,  
er ischt e Kind vu Wind und Welle,  
struelt gern durchs Land, woß vil z'vezelle  
und hot fir alls en Blick.

Hot Mucke au und bsundere Grille,  
hockt tief im wilde Mohn,  
do knischeret's, do heert ers gschwille,  
de Liebe riich zum Lohn.

De Summer stoht hoch iberm Land.  
Wa bliibe soll, bau it uf Sand.

## August

Hot blonde Hoor und heiße Backe  
und Auge voller Gluet,  
er schniidet's Korn, es glänzt sin Nacke,  
mit feste Händ er's binde, packe  
und hom i d'Schiire duet.

No lacht er, frisch und gsund vum Schwitze,  
trumpetet uf zum Tanz,  
loht trumme Giigeboge flitze  
und Mädle hupfe, Gläser blitze,  
im Hoor en Bluemekranz.

Me sammet beides, Korn und Stroh.  
E' guetes Herz macht riich und froh.